

Javni poziv za angažman moderatora podcast epizoda na temu borbe protiv trgovine ljudima u digitalnom okruženju

Osnovne informacije

Centar za sigurni internet u Bosni i Hercegovini, kojim rukovodi Međunarodni forum solidarnosti – EMMAUS (MFS-EMMAUS) je u potrazi za stručnjakom za usluge moderiranja podcast epizoda na temu trgovine ljudima u digitalnom okruženju, sa posebnim fokusom na prevenciju nasilja nad djecom i rodno zasnovanog nasilja. Centar za sigurni internet (SIC) u Bosni i Hercegovini je angažiran na prevenciji i podizanju svijesti o sigurnosti na internetu, edukaciji djece, mladih, roditelja, prosvjetnih radnika i drugih profesionalaca.

Svrha i cilj angažmana

Svrha angažmana je osigurati profesionalno i sadržajno vođenje podcast epizoda, s ciljem:

- informisanja i edukacije javnosti o problemu trgovine ljudima, posebno u digitalnom kontekstu;
- podizanja svijesti o načinima zaštite i prevencije online eksploatacije;
- vođenja razgovora sa stručnjacima na način koji je razumljiv, dinamičan i prilagođen široj javnosti.

Kroz seriju autentičnih razgovora i stručnih analiza, podcast će doprinijeti kampanji informisanjem javnosti i jačanjem razumijevanja o načinima prepoznavanja i sprečavanja trgovine ljudima u digitalnom okruženju.

Zaduženja i odgovornosti

U okviru projektnog zadatka, angažovana osoba će biti odgovorna za:

- pripremu koncepta i strukture razgovora za svaku epizodu (4 – 5 epizoda);
- istraživanje tema i upoznavanje sagovornika;
- osmišljavanje pitanja u skladu sa tematskim fokusom svake epizode;
- vođenje i moderiranje podcast razgovora, uključujući uvodne i završne dijelove;
- saradnju s tehničkim timom tokom snimanja i montaže;
- učešće u promotivnim aktivnostima povezanim s objavom podcasta (po potrebi).

MFS-EMMAUS će voditelju/ici podcasta omogućiti pristup svim relevantnim informacijama i pružiti podršku tokom pripreme i realizacije.

Vremenski okvir

Angažman traje u periodu od 13.10.2025. do 26.10.2025. godine, u skladu s dinamikom snimanja i postprodukcije video materijala.

Ekspertiza i iskustvo

Kandidat/kinja treba ispunjavati sljedeće kriterije:

- iskustvo u javnom nastupu, vođenju intervjua, medijskom radu ili moderiranju događaja/podcasta;
- odlične komunikacijske i prezentacijske vještine;
- poznavanje tema koje se odnose na zaštitu djece, ljudska prava ili društvene teme od javnog značaja;
- profesionalan odnos i spremnost na saradnju s projektnim timom.

Prijava

Zainteresovani kandidati/kinje treba da dostave:

- biografiju/CV (uključujući relevantne reference);
- finansijsku ponudu (honorar za angažman po podcast epizodi).

Poziv je otvoren za fizička lica sa područja Bosne i Hercegovine. Zainteresovani stručnjaci treba da dostave svoju ponudu na sarajevo@mfs-emmaus.ba ili lično na adresu ureda u Sarajevu (Alekse Šantića 8/III) najkasnije **12.10.2025. godine**.

Samo kandidati koji uđu u uži izbor bit će kontaktirani.